





Digitized by the Internet Archive  
in 2018 with funding from  
Getty Research Institute

A N D R E A E F R A N C I S C I

M A R I A N I

E' Γ Κ Ω' Μ Ι Ο Ν .



UUM Viros in Deum religione, in Patriam pietate, in suos caritate præcipuos laudibus prosequi, neque majus, neque pulchrius cuiquam, atque esse mihi videatur, merito omnium sermone vapulem, si patiar Andreae Francisci Mariani nomen e posterorum memoria excidere. Quæ res ne eveniat, in præsentiarum paucula illius virtutum ducam lineamenta, ex quibus noscere sapientibus detur quanti fuerit Vir ille.

Pridie Kal. Aug. anno a reparata salute CIOICLXXXIV. ex Dominico Mariano, & Camilla Cortessellia honestis parentibus Viterbii natus, humanioribus literis a P. P. Societatis Jesu imbutus, ejusdem Civitatis Seminarium sublimioribus studiis erudiendus ingreditur, clariùs heic explendescere, quam generosi condiscipuli æquo animo ferrent, brevique tantum profecit, ut suorum æqualium legeretur Præceptor, & unus inter omnes cives haberetur, cui doctrinæ, solidæque eruditionis palma merito deferretur. Tantique fuit ejus in literis præstantia, ut illum potentiores cives suspicerent, illiusque optarent consuetudinem, nec semel Eminentissimus Princeps de Comitibus tunc Viterbii Episcopus eum fuerit obtestatus, ut secum Romam peteret. Sed Franciscus Patriæ illectus caritate, suorumque captus misericordia, maluit privatus Viterbii esse, quam in Urbem omnium optimarum artium theatrum translatus doctrinæ, eruditionisque radios latius, longiusque diffundere; Quod in literato homine maximum modestiæ argumentum est. Verum iteratis humanissimi Principis invitamentis laceffit, & quorundam Civium suorum indignatus asperitatem Romam se contulit, interque Aulicos receptus, illius Bibliothecæ præficitur. Michaele Angelo de Comitibus ad amplissimam Petri Sedem evecto inter ce-  
A teros

teros Domesticos, Familiaresque adlectus, tantoque Principi ob castos, probatissimosque mores carissimus *Beneficiatus* Augustissimæ Vaticanæ Basilicæ renunciatur, cui inserviendo ita assiduus fuit, ut vel religione spectatissimos Viros sua pietate incitaret, in sui que raperet admirationem. Benedicti postea XIII. munificentia Græcus Scholiastes in Pontificia Bibliotheca cooptatus, tanta diligentia officium implevit suum, ut heic ut plurimum licet feriatum tempus traduceret suum: Et quum cl. Assmannius Christianæ reipublicæ ergo Syriam petiisset, unus hic inventus sit, cujus spectatæ fidei Bibliothecæ cura committeretur, adeoque laudabiliter se gessit, ut sæpius auditum sit plus uni Francisco, quam ceteris omnibus Bibliothecam debere. Horas, quæ ex Bibliothecæ, & Basilicæ curis supererant Patriæ beneficio, suisque erudiendis impendebat. Plus enim Franciscus Patriæ reddidit, quam ab illa acceperit, nam huic uni contigit desperatis Patriæ antiquitatis ornamentis contra acerrimos, celeberrimique nominis hostes in universo literatorum Senatu arma sumere, proprio Marte per triginta, & amplius annos erecto animo pugnare, immortalemque Tropeum illius splendori erigere, quo illi decus non modo redditum, sed & amplificatum est. Anniumque tot censuris, tot accusationibus male habitum, exagitatumque, spretis gravissimorum Aristarchorum clamoribus, in plerisque omnibus ad Patriam pertinentibus radiantis ingenii sui lumine penitus illustravit, civibusque iter aperuit, quo omni torpedine excussa Patriæ jura adversus quoscumque valeant vindicare. Suos vero non amore, sed *сорън* est profecutus, omnes enim reditus in illis alendis, fovendisque humanissime impendebat, & si quid supererat larga manu pauperibus hilariter tribuebat. Quatuor ex Sorore nepotibus extitit summo caritatis officio Pater optimus, studiosus Educator, diligens in literis Magister, & Christiani itineris gravissimus monstrator illorum animos æmulatione domestica succendere maximopere studuit. Tanta, verò in D. O. M. religione erat, ut illum veræ modestiæ, & Christianæ disciplinæ exemplum homines intuerentur, itaque omnes sua pietate, animi candore, abstinencia,

admi-



admirabili vitæ integritate incitabat , ut priscis illis , at-  
 que sanctissimis Catholici Ordinis viris compararetur . Nul-  
 la unquam neque ætatis , neque loci , neque temporis ex-  
 cusatione usus est , quin domi Canonicas preces flexis ge-  
 nibus , apertoque capite Deo persolveret , Ecclesiam quoti-  
 die adiret , ibique incruentam Deo Patri hostiam summa  
 reverentia offerret . Jejunium vel in extremis vitæ diebus  
 sanctissimè servavit , tantique fecit omnia diligenter im-  
 plemente officia , ut vel postremo vitæ die Psalterium alter-  
 nis recitare voluerit , incommoda licet , sævissimaque  
*δυσπνοία* vexatus , tanto labore , tantaque in Deum reve-  
 rentia , ut ex oculis suorum lacrimas exprimeret , nihil-  
 que aliud vel in somnis purissimum illius os resonaret ,  
 quam Psalmorum verba , & illa præsertim , quibus Zache-  
 riæ cantus exprimitur . Usque adeo mollioris vitæ volup-  
 tatum ignarus , ut nullam neque suæ , neque alienæ pu-  
 dicitæ labem intulerit , adeoque in sermone castus , ut  
 ne joco quidem unquam vel subturpiculum illi exciderit  
 verbum . Græcas litteras , nullo monstrante magistro didi-  
 cit , adeoque in ipsis profecit , ut unus omnium doctis-  
 simus in Pontificia ditione haberetur , illarumque decus  
 erexerit , & restituerit , satisque laudum Græca in erudi-  
 tione illi tributum ducimus , si dixerimus a cl. Jacomellio  
 omnium ætatis nostræ græcarum literarum peritissimo , eum  
 tamquam summum censorem delectum , consultum , maxi-  
 mique habitum ; Hebraicas a Judæo accepit . Huic puris-  
 simi Poetæ , clarissimique Oratoris famam Roma severæ au-  
 ris judicio superba , neminique adulatrix detulit . Non  
 fortunæ , sed hominibus amicus , nullas unquam gessit ini-  
 micitias , neque quemquam læsi , & læsus oblivisci , quam  
 ulcisci maluit . Moris etiam Majorum summus imitator ,  
 antiquitatisque amator diligentissimus . Augustini , Thomæ-  
 que discipulus studiosissimus tanto in Theologica valuit  
 facultate , ut de quacunque re sententiam rogatus , illius  
 responsum plusquam ceterorum omnium valuisse compertum  
 habeamus .

Scripsit de Etruria Metropoli , orationem pro Joan-  
 ne Annio , variaque ad hoc spectantia responsa , quæ a ce-  
 leberri-

leberrimis Europæ Accademiis benignè excepta, multum probata, æternisque laudibus cumulata jam notiora sunt, quam ut quivis eruditus possit ignorare. Edidit & nonnullas Elucubrations contra Claudium Salmasium de Hellenistis; contra Cluverium, Holstenium, aliosque de antiquis Veiis; De Thermis Taurianis; Utrum Cortona fuerit Corythus ad illustrem virum Ridolphinum Venuti. Quum vero orationem pro Annio in vulgus emittere uberimis illustratam animadversionibus cogitaret gravissimo hydropis implicitus morbo, Ecclesiasticis Sacramentis admiranda reverentia susceptis diem obiit supremum, & in Ecclesia S. Spiritus in Saxia, in Ædícula depositionis & Cruce, conditus est hoc scripto Epitaphio.

## DEO SACRUM

### FRANCISCO MARIANO VITERBIENSI

INNOCENTII XIII. P. M. FAMILIARI ACCEPTISSIMO  
 SS. BASILICAE VATICANAE PRESBYTERO BENEFICIATO  
 PONTIFICIAE BIBLIOTHECAE GRAECO SCHOLIASTI MERITISSIMO  
 IN SVIS OBEVNDIS OFFICIIS ITA ASSIDVO  
 VT OMNIBVS ADMIRATIONI FVERIT, ET INCITAMENTO  
 VIRO PATRIAE VINDICI INVICTO  
 MODESTIAE IN DOCTRINA  
 SIMPLICITATIS IN AVLA, PAUPERTATIS IN HONORIBVS OBSERVANTISSIMO  
 IN SVMMA VITAE INTEGRITATE POENITENTIAE STVDIOSSIMO  
 IN DEVM RELIGIONE,  
 INPAVPERES LIBERALITATE, IN SVOS CARITATE NEMINI SECVNDO  
 HEBRAICA, GRAECA, LATINAQVE LINGVA EDITISQVE LIBRIS CLARISSIMO  
 MOLESTO, DIVTVRNOQVE MORBO PATIENTISSIME TOLERATO  
 E VIVIS SVMMA REIPVBLICAE LITERARIAE JACTVRA EREPTO  
 PRIDIE IDVS MAJ ANNO C[1]D[1]CCCLVIII. AETATIS LXXIV.  
 JOSEPH SPALLETTVS LVGENS,  
 MOESTISSIMVSQVE AVVNCVLO MVNIFICENTISSIMO  
 TANTILLVM HOC GRATISSIMI ANIMI MONVMENTVM PONI  
 ILLVMQVE QVI *ἑαυτῷ πάντα ἦν* HVC INFERRI CVRAVIT.

Οὐ λέγει Φραγκισκὸν θνησκεῖν, οὐκ εὐσεβεῖς γὰρ  
 Ἐκλείπουσ' ἀλλ' οὐν ὑπὸν ἔχουσι γλυκῶ

Ex Libris Josephi Varesi S<sup>re</sup> Vaticanæ  
Basilicæ Cancelli die 5 Augusti 1755

Handwritten text at the top of the page, likely a title or header, written in a cursive script. The text is partially obscured by a dark smudge in the upper right corner.







SPECIAL 85-B  
5728

